



KHUTBA JUMMAH

HADHRAT MUHYI-UD-DIN AL-KHALIFATULLAH

MUNIR AHMAD AZIM

22 Février 2019

16 Jamadi'ul Aakhir 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor :

BANE ZÉNESS DE L'UMMAH EN DANGER

Par la grâce d'Allah, azordi mo pé contigné deuxième partie de mo Khutba Jummah lor « **Bane Zéness de l'Ummah en Danger** ». Vendredi dernier mo ti dire zot couma la jeunesse (bane jeunes) ena zot aussi ene mission à accomplir. Bane zéness représente nous futur, et zot bizin être protégé de bane mauvais l'effets de la mondialisation. La foi islamique de nous bane zéness de l'Ummah bizin être protégé et sauvegarder. Ene de bane plus grands méfaits de la mondialisation c'est la drogue : la drogue naturel, couma cannabis, l'héroïne etc., et bane la drogues synthétiques, couma Cannabis de synthèses, etc.

La drogue dans so l'ensemble li fatale. Mais la drogue synthétique li encore pli toxique et fatale. Li pire ki bane les autres la drogues naturels, parski li prend possession lécorps de nous bane zéness de façon brutale, kot li alle même ziska fer zot perdi zot personnalité, et fer zot gagne bane problèmes psychotiques, et même kot sa alle entraine zot la mort.

Nous pé fer face à ene problème réel et si nous pas prend garde, nous pou mal barré. Ki nous société et l'avenir de nous bane zenfants et de sa le monde là pou

dévini alors? Nous responsables devant Allah (swt) pour l'avenir de nous bane jeunes. Mo ressenti ene frisson terrible, et même mo trembler et mo gagne l'angoisse kan mo pense lor sa problème ki pé touye nous bane zéness.

TROUVE BANE SOLUTIONS

Mo demande gouvernement pou promouvoir bane disciplines sportives dans bane l'écoles. Tous bane chefs religieux et bane travailleurs sociaux bizin mette zot à la disposition de nous bane jeunes pour sensibilise zot lor le danger de la drogue. Bane parents aussi bizin surveille bane fréquentations de zot bane zenfants parski sa danger là concerne bane garçons aussi bien ki bane tiffilles.

Donc, premièrement, bane grandes puissances (pays/ gouvernements) de nos jours pé rode exploite tous bane opportunités possibles afin pou étendre zot pouvoir (suprémacie) à plusieurs secteurs de la vie de l'homme.

Deuxièmement, sa bane puissances là pé exploite zot bane avancée technologique pour mette au point de plus en plus de bane mécanismes de formules et de pratiques, d'ene côté, pour augmente zot bane capacités et aptitudes, et de l'autre côté, pour renforci d'avantage zot pouvoir lor la vie de l'homme dans so l'ensemble. Mais la cible li bane zéness de l'Islam (le monde musulman). Sa l'étude là pas cachiette aussi le fait ki la mondialisation ena aussi so bane avantages tout comme so bane inconvénients. Comme avantage, ena la diffusion de la connaissance et du savoir, et la facilitation de bane contacts entre bane dimounes. Et sa, c'est ene kitchose ki bane zéness de l'Islam pé exploiter à fond sans ki zot pé soucier zot de sa danger ki vini ensam avec sa bane développements avancé là.

Danger (ki vini avec la mondialisation et la liberté ki sa bane puissances là pé encourager): Sa pé favorise la diffusion de l'immoralité sous plusieurs formes, et kot sa pé affecter principalement bane jeunes au niveau mondiale, y compris bane jeunes de l'*Ummah*.

À partir de là, li clair alors ki ena ene défi pour bane penseurs et bane érudits de l'Islam, ki nous bizin relever : Nous bizin trouve bane moyens solides et efficaces pour explique à bane zéness de l'*Ummah* ki dans tous sa bane nouvo gadgets ki la mondialisation pé met à zot bane dispositions, ena là-dans bocou de bane dangers pour zot la foi, lé cœur et piété.

De ce fait, li bien pou servi sa bane technologies avancée là, mais selman bizin faire li avec beaucoup de précaution. Bizin prend saki bon et évite saki pas bon. Bane penseurs de l'islam – nous tous d'ailleurs – bizin prend conscience de bane dégâts ki pé pointe à l'horizon de nous bane zéness de l'*Ummah*. Zot bizin... Pas seulement zot, mais nous tous, bane chefs spirituels, bane parents, bane professeurs (enseignants), bane responsables de bane l'écoles, bane gouvernements etc. bizin prend conscience de sa et faire le nécessaire pour évite sa bane dégâts là. Et pour protége nous bane jeunes de l'*Ummah*, tous bane parties concernés bizin agir immédiatement et dans ene façon intelligent.

COUMA ?

Sa c'est ene question et avancé important vers ene engagement islamique ki conscient (kot zot tout conscient de sa bane problèmes et nous fer tous) pour rassure la protection de sa bane zéness là à l'avenir.

- Fer prend conscience, surtout à sa bane zéness de l'*Ummah* là ki l'islam li ene religion pratique, facile, bien ouvert ki vise toujours le bien et le bonheur de bane dimounes, lor sa la terre là et dans *Aakhérat* (l'au-delà).
- Accepter sans aucaine réserve ki l'islam li le dernier et le meilleure de tous bane religions et ki Allah pas pou accepter aucaine religion excepter l'islam.
- Explique à travers bane sessions de travail bane divers aspects de la valeur de l'islam et la conscience pour combattre la corruption, l'infidélité, l'immoralité et bane les autres fléaux ki pé ronge la société en général.
- Défendre le concept ki l'islam jamais pas justifier ki ene dimoune li replier lor li-même (li pas communique avec les autres, li pas socialiser) mais plutôt ki l'islam li recommande ene certain ouverture lor le monde et la vie ici-bas, mais selman bizin fer li avec précaution, sans exagération.

Allah (swt) dire dans Quran Shareef :

« Eski ou pas trouver ki Allah fine mette tout séki dans bane les ciels et la terre à ou disposition, et fine donne ou ene quantité faveurs, visible aussi bien ki invisibles ? » (Luqman 31 : 21).

« Dire: « Qui sanlà qui fine empêche servi bane jolis choses ki Allah produire pou So bane serviteurs, et bane bons kitchoses ki Li fourni zot ? » (Al-Arraf 7 : 33).

Pour atteindre le but recherché, nous bizin fer bane zéness de l'*Ummah* comprend ki la mondialisation li bienvenue mais c'est à bane ti zéness là pou conner couma pou prend tous sa là avec précaution, *avec des pincettes*, pou ki zot capave prend saki bon et rejette saki contraire à bane principes de l'Islam, et ki zot pas adopter bane zaffaires ki pou noirci zot la foi et pou apporte bane doutes à la réalité de vraie la vie islamique.

Mo fer ene appel à bane théologiens, bane éducateurs, bane imams partout à travers le monde, y compris l'île Maurice. Anou travaille dure pour laboure le terrain, pouce par pouce afin pou fer bane zéness de l'*Ummah* comprend bane bons et mauvais côtés de la mondialisation. Pour fer sa, li impératif ki nous gagne contribution de tous bane parties concernés, couma: la famille, la société, l'école, bane médias, bane multiples acteurs sociaux, y compris bane Masjids. L'importance de l'éducation et de la culture religieuse dans la lutte contre bane dangers de la mondialisation ki pé targette la jeunesse bizin être reconnue, acceptée, adoptée et mise en pratique. Que ce sois ici ou ailleurs. L'évolution rapide de bane divers sociétés à travers le monde vers le développement, le progrès bizin être suivie avec bocou de sérieux et d'attention pour ki l'aspect religieux li pas écarté ni rejeté. Ene tel rejet risquer faire bane dimounes, surtout nous bane jeunes sombrer dans ene tendance complètement matérielle. Sa risquer également pou apporte bane dégâts collatéral ki capave menace bane valeurs de la société en général, mais beaucoup plus l'*Ummah*. Anou faire bane z'efforts et bane *dôas* pour sa. Parski sans l'aide d'Allah, nous pas pou capave entreprendre bane démarches nécessaires et nous pas pou capave dirige nous bane zéness dans le droit chemin, et protége zot contre bane mals de sa le monde ici-bas là.

Ki Allah combler tous nous faiblesses par So puissance et permette nous pou change nous bane jeunes et la société de demain pour le meilleur, kot nous fer zot rapproche avec Allah et l'Islam et éloigne zot de bane méfaits de la mondialisation et de bane plaisirs temporaires mais mortels de sa le monde là.
Ameen.